

NA Graven van Holland toegangscode 3.01.01 inventarisnummer 712 LRK 62 folio 2
gedateerd 1420.

Heer Jan van Hodempijl

Item upten jairsancten Anno XX verliede minen geliefden heer van Beieren
behoudelic him ende enen ygeliken siins rechts heren Jan van Hodempijl alsulke
goede als hier na bescreven staen. Eerst dat ambt van Hodempijl mit tijnnen,
vogelyen, muelen ende vyscherien te Hodempijl mit XXV mergen lands. Item noch I
coretiende ende II smaltiende gelegen in Maselant geheten die Oude Camp. Item
noch II coretiende ende I smaltiende gelegen in Maselant voirsr ende is geheten
Bordijx Tyendekin. Item noch II coretiende ende I smaltiende in Mazelant
bezuuden de kerke ende alle voirsr goeden tot enen rechten leen. Item siin huus
tot Rijswijck mitten hofstede ende mit XXXIII mergen lands. Item die tyende wt
Hodempijl. Item twee wtlandekiins geheten dat Zuytlandekin ende dat Noirlan-
dekin gelegen bij Mazelandesluys buten sdijx mit allen ambtsheerschap dair
toebehoirende ende II coretiende ende II smaltiende in Mazelant. Item noch binnen
dijx II coretiende ende II smaltiende geheten heren Danels tyende. Dese voirsr
goede vanden huuse tot Rijswijck mitten hofstede tot enen onversterflichen leen. Item
hout heer Jan noch C pont goets gelts tsaers uten tyenden tot Sgravensande dier
wt pleecht te reyken die Rentmeester van Noirthollant welke C pont voirsr die heer
van Haemstede him ghaf mit siinre dochter te huweliken die hi hout ten
onversterflichen erfleen gelijc siin brieve dair of inhoudt. Presentibus Heemskerk,
Naidwijck ende Cralinge. Ruerende plus in Zuythollant z etc in Arkell Anno XX

Transcriptie ALH